

ICEPS9 2013 meriah

BERTEMPAT di perkarangan Stadium Tertutup Nilai, Negeri Sembilan, berlangsung dengan meriahnya Konvensyen Keusahawanan Islam Kesembilan 2013 (ICEPS9 2013).

Program yang diadakan selama empat hari bermula 26 September 2013 itu dianjurkan oleh pelajar tahun empat Fakulti Ekonomi dan Muamalat Universiti Sains Islam Malaysia (USIM) yang bertemakan *Keusahawanan Islam Peneraju Ekonomi Global*.

Antara lain matlamat program adalah untuk memberi pengetahuan bagi mewujudkan serta melahirkan usahawan cemerlang berpaksikan syariah Islam di Malaysia khususnya dan di peringkat global.

la juga berperanan sebagai satu usaha

ANTARA lain matlamat program adalah untuk memberi pengetahuan bagi mewujudkan serta melahirkan usahawan cemerlang berpaksikan syariah Islam di Malaysia khususnya dan di peringkat global



UPACARA pelepasan konvol berbasikal yang disertai 20 pelajar menjadi pelengkap pelancaran ICEPS9 2013 dengan membawa sepanduk mengelilingi kawasan sekitar USIM.

untuk merealisasikan agenda kerajaan dalam meningkatkan kepakaran pelajar supaya melibatkan diri secara langsung

dalam program keusahawanan dan seterusnya membina jaringan perniagaan bagi menembusi peringkat yang lebih

tinggi.

Menurut Timbalan Naib Canselor Hal Ehwal Pelajar dan Alumni USIM, Prof. Datuk Dr. Mohamed Asin Dollah, selaras dengan visi USIM iaitu Mengintegrasikan Ilmu Naqli dan Aqli untuk mentransformasi dan menghasilkan nilai kepada Negara, Ummah dan Manusia Sejagat, ICEPS9 dilihat mampu membawa para pelajar melangkah lebih jauh dan keluar dari zon selesa yang bukan hanya terikat dengan buku semata-mata.

"Melalui program ini, anda belajar cara untuk berinteraksi dengan masyarakat dan kejayaan ini bukanlah diukur dengan berapa banyak keuntungan yang anda perolehi, tetapi pengalaman sebagai pengurus acara yang dapat mengasah sikap matang anda dalam menangani sebarang isu, selain kerjasama menjayakan program," katanya.

Pembukaan ICEPS9 telah dirasmikan dengan upacara pelepasan konvol berbasikal yang disertai 20 orang pelajar yang membawa sepanduk mengelilingi kawasan sekitar Kolej Kediaman, Manipal International University dan USIM. - AZHIN